

## Hringbrautarverkefnið staða framkvæmda og fréttir af verkefninu

- **Veglegt kynningarblað um Hringbrautarverkefnið – uppbygging þjóðarsjúkrahússins á fullri ferð**
- **Góður gangur í uppsteypu meðferðarkjarnans**
- **Samningsundirskrift NLSH við Verkís, Batteríið og Tark um fullnaðarhönnun á bílakjallara undir Sóleyjartorgi**
- **Framkvæmdir á vinnubúðareit og lokafrágangur á skrifstofuaðstöðu fyrir starfsmenn NLSH**
- **Forathugun á vörumóttöku og flokkunarstöð á Hringbrautarlóðinni**

# Veglegt kynningarblað um Hringbrautarverkefnið – uppbygging þjóðarsjúkrahússins á fullri ferð



08 | 04 | 2021

## NÝR LANDSPÍTALI



Hringbrautar  
verkefnið



NLSH gaf nýlega út veglegt kynningarblað um Hringbrautarverkefnið þar sem rætt er við fjölmarga aðila sem koma að verkefninu. Má þar nefna viðal við Svandísí Svavarsdóttur, heilbrigðisráðherra, Bjarna Benediktsson, fjármála – og efnahagsráðherra, Dag B. Eggertsson borgarstjóra, Pál Matthíasson forstjóra LSH og Ölmu Möller landlækni.

Kynningarblaðið er 8 blaðsíður og má lesa hér:

<https://www.nlsh.is/media/fjolmidlasamskipti/Kynningarblads-NLSH-8-april-2021.pdf>

## Góður gangur í uppsteypu meðferðarkjarnans



Eysteinn Einarsson, staðarverkfraðingur NLSH við úttekt í grunni meðferðarkjarnans

Vinna við uppsteypu er í fullum gangi í grunni meðferðarkjarnans og miðar verkinu vel áfram, en aðalverktaki uppsteypu verksins er Eykt hf.

„Helstu verkþættir sem nú eru í gangi við uppsteypuna eru áframhaldandi þrif á klöpp og þriflagssteypur. Vinna við mótaupplátt og járnabendingu undirstaðna er í fullum gangi og búið er að steypa tölувert af undirstöðum. Stærsta steypan hingað til var um 350 rúmmetrar en búast má við að þær verði mun stærri þegar kemur ofar í húsið. Samhliða þessu stendur yfir vinna við jarðskaut og á næstunni hefst svo vinna við fyllingar og lagnir“, segir Eysteinn Einarsson staðarverkfraðingur hjá NLSH.



Yfirlitsmynd sem sýnir framkvæmdasvæðið við byggingu á nýjum meðferðarkjarna



Það eru mörg handtökin í uppsteypuvinnunni



Steypubílar frá Steypustöðinni við uppsteypuna – náið er fylgst með hitaþróun í steypuni

Aðalverktaki uppsteypunnar, Eykt, er í samstarfi við Steypustöðina ehf.

„Steypan í undirstöðurnar gengur ljómandi vel. Nú hafa um 1680 rúmmetrar farið í undirstöður frá Steypustöðinni“ segir Kai Westphal framkvæmdastjóri Steypu, framleiðslu og dreifingar hjá Steypustöðinni.

„Það sem er merkilegt við framkvæmdina er að við notum snjallnema frá Giatec sem mælir hita og styrk steypunnar í rauntíma í mannvirkjum. Um 50 þráðlausir nemar eru í miðri steypuni sem fylgist náið með hitaþróun í undirstöðum til að stýra kælingu og koma í veg fyrir sprungumyndun og meta hvenær rétti tíminn er til að slá mótin frá“ segir Kai.

Þetta er í eitt fyrsta skipti í stórframkvæmd á Íslandi sem notast er við slíka tækni þar sem stuðst er við rauntímaupplýsingar með aðstoð gervigreindar.

## Samningsundirskrift NLSH við Verkís, Batteríið og T.ark um fullnaðarhönnun á bílakjallara undir Sóleyjartorgi



Bílakjallarinn mun rísa undir Sóleyjartorgi, austan við meðferðarkjarna og sunnan við Gamla Spítala




Yfirlitsmynd af framkvæmdasvæðinu þar sem reistur verður bílakjallari, að austanverðu í grunnum

Skrifað hefur verið undir samning á milli NLSH og Verkís, Batteríið og T.ark um fullnaðarhönnun á bílakjallara við nýjan Landspítala.

Bílakjallarinn mun rísa undir Sóleyjartorgi, austan við meðferðarkjarna og sunnan við Gamla Spítala. Bílakjallarinn er hugsaður eingöngu sem þjónustustæði fyrir ökutæki sjúklinga, aðstandendur og gesti spítalans. Um er að ræða 200 bílastæði sem svipar til bílakjallarans í Hörpunni sem er á tveimur hæðum. Gengið verður beint inn í sjúkrahúsið úr bílakjallaranum í sjálfvirka stiga, lyftur eða göngustiga. Einnig verður byggt á svæðinu 550 stæða bílastæðahús.

Forhönnun bílakjallarans liggur fyrir og verklok eru áætluð í byrjun árs 2022. Gert er ráð fyrir að uppsteypa kjallarans sé samhliða uppsteypu meðferðarkjarnans og uppsteypunni sé að fullu lokið 2023.

## Framkvæmdir á vinnubúðareit og lokafrágangur á skrifstofuaðstöðu fyrir starfsmenn NLSH



Yfirlitsmynd vinnubúðareitur, matsalur starfsmanna, skrifstofuaðstaða starfsmanna NLSH og aðstaða uppsteypuverktakans Eyktar

Á vinnubúðareit á framkvæmdasvæðinu er búið að setja upp allar gámaeiningar og verið að leggja lokahönd á frágang innan sem utanhúss.

„Búið er að setja upp og virkja allar öryggismyndavélar sem eykur öryggi allra á svæðinu. Einnig er unnið að yfirborðsfrágangi og við að setja upp stoðveggi. Þessi vinna hefur gengið að óskum, unnið er við lokafrágang á nýrri skrifstofuaðstöðu starfsmanna NLSH þar sem starfsmenn munu vera í meiri nálægð við þessa stóru og viðamiklu framkvæmd sem er auðvitað jákvætt, segir Steinar Þór Bachmann verkefnastjóri rekstrar hjá NLSH.

## Forathugun á vörumóttöku og flokkunarstöð á Hringbrautarlóðinni

Nú er að hefjast vinna við forathugun á vörumóttöku og flokkunarstöð úrgangs á Hringbrautarlóðinni. Vörur eru fluttar í flutningsgrindum til Landspítala á Hringbraut frá birgðastöðinni og þvottahúsini sem eru staðsettar á Tunguhálsi.


Flokkunarstöðin er fyrir sorp og óhreint lín frá spítalanum. Sorpið er flutt til endurvinnslu eða förgunar en óhreina línið er flutt í þvottahús spítalans á Tunguhálsi.

Verkefnið felst í því að yfirfara fyrri þarfagreiningu og húsrýmisáætlun og í framhaldinu af því að velta upp valkostum fyrir staðsetningu. Þessi valkostir verða metnir og staðsetning endanlega valin. Verkefnið byggir á samráðshópakerfi NLSH þar sem innri upplýsingar um reksturinn eru veittar frá LSH.

„Reiknað er með að niðurstaða þessarar vinnu liggi fyrir um miðjan október og í framhaldinu verður farið í undirbúning á hönnunarvinnu“, segir Ingólfur Þórisson sviðsstjóri þróunarsviðs NLSH.

### Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmölum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Stefán Hrafn Hagalín 897 3644 [stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)



Hringbrautar  
verkefnið

[nlsh.is](http://nlsh.is)

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / [postur@nlsh.is](mailto:postur@nlsh.is)

*Höfundaréttur © NLSH ohf.*